

解脫道論

才七

四百十七
背七

2885

5



Vertical text or stamp located below the watermark, possibly containing a date or name.

Vertical text or stamp located to the left of the watermark, possibly containing a date or name.

Vertical text or stamp located to the left of the watermark, possibly containing a date or name.



解脫道論卷第七

阿羅漢優波底沙 梁言大光造

梁扶南三藏僧迦婆羅譯

行門品之四

問曰云何念安般何修何相何味何處何功
德云何修行答曰安者入般者出於出入相
彼念隨念正念此謂念安般心任不亂此謂
修念今起安般想為相觸思惟為味斷覺為
處何功德者若人修行念安般成寂寂成勝
妙成莊嚴可愛自娛樂若數數起惡不善法
令除滅身成不懈怠眼亦不懈怠身成不動
不搖心成不動不搖令滿四念處令滿七覺



背

意令滿解脫世尊所嘆聖所住止梵所住止
如來所住止云何修者初坐禪人若往阿蘭
若若往樹下若往寂寂處結跏趺坐正身在
前彼坐禪人念入息念出息若長出息我息
長出如是知之若長息入我長息入如是知
之若息短入我息短入如是知之若短息出
我短息出如是知之我入息如是覺我出息
如是覺知喜知樂知心所行令滅心行令歡
喜心令教化心令解脫心見無常見無欲見
滅見出離如是覺見出離我息出如是覺見
出離我息出如是於是現前令學安者謂繫
念住於鼻端或於口脣是出入息所緣處彼

坐禪人以安念此處入息出息於鼻端口脣
以念觀觸或現念今息入現念今息出現於
息入時不作意於出時亦不作意是出入息
所觸鼻端口脣以念觀知所觸現念今入現
念出息如人解材以緣鋸力亦不作意鋸去
來想如是坐禪人於入出息亦不作意入出
息想所觸鼻端口脣以念觀知現念今入息
現念今出息若坐禪人於出入息作意內外
其心成亂若心起亂其身及心成懈怠動搖
此是過患若最長息若最短息不應作意若
作處最長最短息其身及心皆成懈怠動搖
此是過患由出入息種種相故不應作者若

如是作心餘緣成亂若心亂其身及心皆成
懈怠動搖如是過患無邊起出入息以無遷
觸故應作想如是心不亂若心遲緩若心利
疾不當精進若作遲緩精進成懈怠睡眠若
作利疾精進成起調若坐禪人若與懈怠睡
眠共起若與調共起其身及心成懈怠成動
搖此是過患彼坐禪人以九小煩惱清淨心
現念入息彼相得起名相者如抽綿抽古貝
觸身成樂觸如涼風觸身成樂觸如是入出
息風觸鼻口脣念作風想不由形色此謂相
若坐禪人以修多修相成增長若鼻端增長
於眉間於額成多處住成滿頭風從此增長

滿身猗樂此謂具足復有坐禪人從初見異
相如煙如霧如塵如碎金猶如針刺如蟻所
蝕見種種色若坐禪人心不明了於彼異相
心作異想成顛倒不成出入息想若明了坐
禪人不作異意想念現入息念現出息雖作
餘想若如是作意異相即滅是坐禪人得微
妙相心不放逸念現入息念現出息彼相自
在以相自在欲起修行由欲自在念現入息
念現出息起喜已喜自在已欲自在念現入
息念現出息起捨於彼已捨自在已欲自在已
喜自在念現入息念現出息其心不亂若心
不亂諸蓋滅禪分起此坐禪人已得寂滅勝

四禪定如初廣說復次先師說四種修念安
般所謂筭隨逐安置隨觀問曰云何名筭答
曰初坐禪人從初出息及至入息從一至十
過十不算復說從一至五過五不算不令意
誤是時當筭乃至離筭從入出息事念住此
謂名筭名隨逐者攝筭以念無間逐出入息
此謂隨逐名安置者或鼻端或於脣是入出
息所觸處於彼作風想令念住此謂安置名
隨觀者由觸自在當隨觀相於此所起喜樂
等法應當隨觀此謂隨觀彼筭為覺滅令得
出離覺隨逐者為滅麤覺於出入息作念無
間安置者為斷於亂作不動想隨觀者為受

持想爲知勝法若長入息若短出息於短入息如是學之者方便所作過於其性此謂長性者現智智爲現不愚癡事問曰云何不愚癡事答曰初坐禪人得身心猗以入出息念現作住其出入息成細出入息細故成不可取時坐禪人若長息隨觀作長乃至相起住若相已起住以性應作意此謂不愚癡復次當爲心消息有時作長有時作短如是當修復次坐禪人以事令分明相起是事當修知一切身我入息如是學者以二種行知一切身不愚癡知以事故問曰云何無愚癡知一切身答曰若坐禪人念安般定身心喜樂觸

成滿由喜樂觸滿一切身成不愚癡問曰云
何以事知一切身答曰出入息者所謂一處
住色身出入息事心心數法名身此色身名
身此謂一切身彼坐禪人如是以見知一切
身雖有身無衆生無命如是學者謂三學一
增上戒學二增上心學三增上慧學如實戒
此謂增上戒學如實定此謂增上心學如實
慧此謂增上慧學彼坐禪人此三學於彼事
以念作意學之修已多修此謂學之令滅身
行我入息如是學云何名身行者此謂出入
息以如是身行曲伸形隨神動踊振搖如是於
身行現今寂滅復次於麤身行現今寂滅以

細身行修行初禪從彼以最細修第二禪從
彼最細修行學第三禪令滅無餘修第四禪
問曰若無餘滅出入息云何修行念安般答
曰善取初相故以滅出入息其相得起成修
行相何以故諸禪相知喜爲事知我入息如
是學者彼念現入息念現出息於二禪處起
喜彼喜以二行成知以不愚癡故以事故於
是坐禪人入定成知喜以不愚癡以觀故以
對治故以事故成知樂我入息如是學者彼
現念入息現念出息於三禪處起樂彼樂以
二行成知以不愚癡故以事故如初所說知
心行我息入如是學者說心行是謂想受於

四禪處起彼彼心行以二行成知以不愚癡故
以事故以如初說今寂滅心行我息入如是學
者說心行是謂想受於塵心行今寂滅學之
如初所說知心我入息如是學者彼現念入
息現念出息其心入出事以二行成所知以
不愚癡以事故如初所說今歡喜心我入息
如是學者說今歡喜說喜於二禪處以喜今
心踊躍學之如初所說今教化心我入息如
是學者彼坐禪人現念入息現念出息以念
以作意彼心於事今住今專一心教化以彼
心住學之今解脫心我入出息如是學者彼
坐禪人現念入息現念出息若心遲緩從懈

怠令解脫若心利疾從調令解脫學之若心
高從滌令解脫學之若心下從瞋恚令解脫
學之若心穢汚從小煩惱令解脫學之復次
於事若心不著樂令著學之常見無常我入
息如是學者彼現念入息現念出息其入出
息及入出息事心心數法見其滅生滅學之
常見無欲我入息如是學者現念入息現念
出息彼無常法彼法無欲是泥洹入息學之
常見滅我入息如是學者彼無常法如實見
其過患彼我滅是泥洹以寂寂見學之常見
出離我入息如是學者彼無常法如實見其
過患於彼過患現捨居止寂滅泥洹使心安

樂學之如是寂寂如是妙所謂一切行寂寂
一切煩惱出離愛滅無欲寂寂泥洹於此十
六處初十二處成沙摩他毗婆舍那見初無
常後四處唯成毗婆舍那如是以沙摩他毗
婆舍那可復次彼一切四種謂如是修令
起觀具足有時見現念入息現念出息此謂
修知長短令滅身行令滅心行令心歡喜令
教化心令解脫心此謂令起知一切身知樂
知心所行知心者此謂觀具足常見無常所
初四行此謂有時見復次修者以念安般受
持地是修是安般念受持地是受持是有學
彼有覺有觀有觀地知喜者是二禪地知樂

者是第三禪地。知心者是第四禪地。復次彼一切成二種。謂修及滿。於是修行唯彼名滿者。十六行不減。修者如種功德。因故名滿者。猶如花果從相似出。故若如是修行。念安般成滿。四念處。修四念處。滿七菩提分。修七菩提分。滿明解脫。問曰。云何得如此。荅曰。長出入息所。初四念處。成身念處。知起所。初成受念處。知心所。初成心念處。見無常所。初成法念處。如是修念安般。成滿四念處。云何以修四念處。成滿七菩提分。修念處時。於念成住。不愚癡。此謂念覺分。彼坐禪人如是念住。知擇苦無常行。此謂擇法菩提分。如是現擇法行。

精進不遲緩此謂精進覺分由行精進起喜
無煩惱此謂喜覺分由歡喜心其身及心成
猗是謂猗覺分由身猗有樂其心成定此謂
定覺分如是定心成捨此謂捨覺分以修四
念處成滿七菩提覺分云何以修七菩提覺
分成滿明解脫如是多修行七覺分於刹那
道成明滿於刹那果成解脫滿如是修七菩
提分成明解脫滿問曰一切諸行由地成有覺
無覺如是念安般何故說唯念安般爲除覺
不說餘耶荅曰不依如此說覺不住者是禪
障礙是故除覺依此義說何故於風樂觸由
樂心著如覺軋闍婆聞聲隨著是故斷覺復

次如行堤塘以心專念猗不動故是故說念

安般為除覺念安般已竟

問曰云何念死何修何相何味何處何功德
云何修荅曰壽命行斷此謂為死彼念住不
亂此謂為修自壽命斷為相猒患為味無難
為處何功德者若修行念死於上善法成不
放逸成憎不善法於諸服飾不多受畜心不
慳悋見身壽命心不貪著作無常想苦想無
我想皆令成滿成向善趣向於醍醐臨命將
終心不謬誤云何修行初坐禪人入寂寂坐
攝一切心以不亂心念衆生死我入死法向
於死趣不過死法如涅槃底履波陁修多羅中

說若人樂觀死當觀被殺人見死因緣於是
念死有四種憂相應驚相應中人相應智相
應如喪愛子心生緣念此謂憂相應悲念童
子卒暴命歿此謂驚相應念如閻維人念離
生故此謂中相應念常觀世間心生猷患此
謂智相應念於是坐禪人憂相應驚相應中
相應不應修行何以故不能除過患唯智相
應勤修行能除過患死者有三種等死斷死
念念死去何名等死依假衆生此謂等死名
斷死者謂阿羅漢煩惱已斷名念念死者諸
行念念滅復次死有二種不時節死時節死
或自殺或他殺或以病或無因緣中間死此

謂不時節死或壽命盡乃至老死此謂時節
死應念此二種死復次以八行先師所說修
念死如兇惡人逐以無因緣以本取以身多
屬以壽命無力故以久遠分別以無相故以
刹那故問曰云何以兇惡逐修行念死荅曰
如被殺人將往殺處以兇惡人拔刀隨逐彼
見兇惡人拔刀隨後如是思惟此人殺我何
時我當死我行一一步於何步當死我去必
死我住必死我坐必死我眠必死如是坐禪
人以兇惡人逐故當修念死問曰云何以無
因緣故修念死荅曰無因緣無方便以生能
念令不死如日月出無因緣無方便能令不

沒如是無因緣故修念死問曰去何以本取
故修念死荅曰彼先多財王大乘王大神力
大善見王頂生王等彼一切王皆入死法復
次先仙人大神通大神力毗沙蜜多闍摩達
梨仙人身出水火復入死法復次先聲聞有
大智慧有大神通有大神力舍利弗目犍連
等彼入死法復次諸緣覺人自生無師一切
功德成就亦入死法復次諸如來應供正覺
無量無上明行具足到功德彼岸亦入死法
何況於我少時壽命不當入死法如是以先
取故修念死問曰去何以身多屬故修念死
荅曰以風痰和合成於死法或諸虫種和合

或飲食不調成入死法或毒虵蜈蚣射蚰蜒
鼠齒成入死法或師子虎豹龍牛等兌成入死
法或人非人所殺成入死法此身如是多所
屬故修念死法問曰云何以壽無力故修念
死以二行以壽命無力故修於念死處無力
故依無力故成壽命無力問曰云何處無力
故壽命無力荅曰此身無自性如水泡喻如
芭蕉喻如水沫喻無有真實離真實故如是
處無力故成壽命無力問曰云何依無力故
成壽命無力荅曰此名出入息所縛四大
所縛飲食所縛四威儀所縛暖所縛如是依
無力故成壽命無力如是以此二行以壽命

無力故修念於死問曰云何以遠分別修念
死荅曰從於久遠一切已生於現在世不過
百年皆入死法所謂久遠分別故修念死復
次當修我於日夜詎能得活日夜思惟世尊
諸法我得大恩如是一日我詎能活或復半
日我詎能活或復少時我詎能活或一食時
或半食時我詎能活或四五搏我詎能活或
入息時我詎能至出息時或出息時我詎能
至入息時以久遠分別故修念死問曰云何
以無相故修念於死荅曰以無有相死無有
時以無相故修念於死問曰去何以刹那故
修死念荅曰以不數過去未來但數現在緣

衆生壽命於一念時住從彼無二念住一切
衆生於刹那心沒如阿毗曇中說於過去心
無已生無當生無現生於未來心無已生無
現生無當生於現在心刹那無已生無當生
有現生復如說偈

壽命及身性

苦樂及所有

與一心相應

刹那速生起

於未生無生

於現在不生

心斷故世死

已說世盡故

如是以刹那故修念死彼坐禪人以此門以
此行如是現修念死起其猒患由猒患自在
以念自在成心不亂若心不亂諸蓋滅禪分
成起外行禪得住問曰無常想念死此二何

差別答曰陰生滅事名無常想念諸根壞名
為念死以修無常相無我相為除憍慢以修
念死無常相及苦相成住以壽命斷心滅此
謂差別

念死
已竟

問曰云何念身何修何相何味何功德云何
修答修念身性彼念隨念正念此謂身念住
不亂此謂修今起身性為相厭患為味見無
實為起何功德者以修念身成堪耐堪受怖
畏堪任寒熱等無常想無我想不淨想過患
想彼想成滿成隨意得四禪以分明諸法修
令滿足向於善趣向於醍醐云何修者初坐
禪人入寂寂坐攝一切心不亂心唯修心性

云何修心性所謂此身髮毛爪齒皮肉筋骨
髓腦肝心脾肺膽胃肪膏入膜大腸小腸屎
尿膿血痰汗涎淚涕唾不淨初坐禪人於此
三十二行初次第上以次第下善哉以口語言
應常說常觀善哉以常觀口諸語言是時以
一一四行唯以心當覺以色以行以形以處
以分別所起麤相或一或二或多善取相應
彼坐禪人如是以三種覺成起以色以猷以
空若坐禪人以色起相彼坐禪人由色一切
入自在應作意若坐禪人以猷起相彼坐禪
人以不淨應作意若坐禪人以空起相彼坐
禪人以界應作意若坐禪人依一切入起於

四禪若坐禪人依不淨事起初禪若坐禪人
依界事起外行禪於是瞋恚行人以色起相
貪欲行人以厭起相慧行人以界起相復次
瞋恚行人以色當作意貪欲行人以厭當作
意慧行人以界當作意復次以十三行當念
身性如是以種以處以緣以流以次第以形
以垂種以安處以聚以憎以不淨以處以不
知恩以有邊問云何以種當念身性荅如毒
種所生菜莢拘沙多紀等一切生如是此身
從父母不淨生不淨種生此身成不淨如是
以種當念心性問曰云何以處當念身性荅
此身不從鬱多羅花生非拘牟陁分陁利迦

花生於母腹生不淨臭穢迫近處生從生熟
兩截生從左右脇胞囊所纏依脊骨住是處
不淨身成不淨如是以處當念身性問云何
以緣當念身性答此不淨身若增長住不以
金銀珠等能得增長復不以栴檀多伽羅沉
香等緣能得增長此身從母腹生母所食噉
涕唾涎痰相雜母胎所生臭食流液得增長
住從如是出其所噉食飯乳糲豆涕唾涎痰
共相和雜此身以臭不淨流得增長住如是
以緣當念身自性問云何以流當念身自性
答如皮囊盛滿屎尿以多穿故不淨流出此
身亦然盛滿屎尿如是此身所嘗飲食及雜

涕唾屎尿臭穢種種不淨從九孔流溢以多
穿故不成滿故如是以流應念身自性問去
何以次第形當念身自性答此身以初業次
第立於初七日成迦羅邏二七日成阿淨陁
三七日成俾尸四七日成啊那五七日成五
節六七日成四節七七日復生四節八七日
復生二十八節九七日及十七日復生脊骨
十一七日復生三百骨十二七日復生八百
節十三七日復生九百筋十四七日復生百
肉九十五七日復生血十六七日生膜十七
七日生皮十八七日成皮色十九七日業所
生風遍處處二十四七日成九竅二十五七

日生一万七千腠二十六七日成堅身二十
七七日有力二十八七日生九万九千毛孔
二十九七日成一切身分具足

復說七七日有體依母背下頭蹲踞坐四十
二七日以業所生風轉脚向上頭向下向產
門此時生世說假名人如是以次第形當念
身性

問云何以虫種當念身性答此身八万户虫
之所食噉依髮之虫名髮鐵依髑髏之虫名耳
種依腦之虫名顛狂下顛狂復有四種一名
塢拘霖婆二名濕婆羅三名陁羅呵四名陁
呵尸邏依目之虫名舐眼依耳之虫名舐耳

依鼻之垂名舐鼻復有三種一名樓扣母呵
二名阿樓扣三名摩那樓母可依舌之垂名
勿伽依舌根垂名母但多依齒之垂名狗婆
依齒根之垂名優婆狗婆依喉之垂名阿婆
離呵依頸之垂有二種一名虜呵羅二名毗
虜呵羅依毛之垂名舐毛依爪之垂名舐爪
依皮之垂有二種一名兜那二名兜難多依
膜之垂復有二種一名鞞藍婆二名摩訶鞞
藍婆依肉之垂復有二種一名阿羅婆二名
羅娑婆依血之垂復有二種一名婆羅二名
婆多羅依筋之垂復有四種一名賴多虜二
名喜多娑三名婆羅婆多羅四名羅那婆羅

那依脉之垂名寄粟俠那依脉根之垂復有
二種一名尸婆羅二名優婆尸婆羅依骨之
垂復有四種一名遏禡湯里毗馱二名安那
毗馱三名殆塗履履施毗施四名遏禡絙可
羅依髓之垂復有二種一名弭忙比社二名
弭社尸羅依脾之垂復有二種一名尼羅二
名比多依心之垂復有二種一名死毗多二
名優鉢施死毗多依心根之垂復有二種一
名滿可二名尸羅依肪之垂復有二種一名
寄羅二名寄羅尸羅依膀肱之垂復有二種
一名弭寄羅二名摩訶寄羅依膀肱根復有
二種一名寄羅二名寄羅尸羅依胞之垂復

有二種一名沙婆羅二名摩訶沙婆羅依胞
根之虫復有二種一名賴多二名摩訶賴多
依小腸之虫復有二種一名帚賴多二名摩
何賴多依腸根之虫復有二種一名波二名
摩訶死波依大腸根虫復有二種一名安那
婆呵二名博果婆呵依胃之虫復有四種一
名優受哥二名優社婆三名知社婆四名先
市婆依熟藏之虫復有四種一名婆呵那二
名摩訶婆呵那三名陁那盤四名粉那母可
依膽之虫名必多離訶依唾之虫名織呵依
汗之虫名髓陁離呵依脂之虫名弭陁離呵
依彊之虫復有二種一名藪婆呵母二名社

摩契多依彊根。垂復有三種。一名處呵母珂。
二名陁處呵母珂。三名婆那母珂。有五種垂。
依於身前。食於身前。依於身後。食於身後。依
於身左。食於身左。依於身右。食於身右。垂名
栴陁。死羅脣。呵死羅。不偷羅。等依下。二孔有
三種垂。一名狗樓狗羅。唯喻。二名遮羅。喻三
名寒頭波陁。如是以垂。居止。當念身性。去何
以安。當念身自性。於足骨。脛骨。安住。脛骨。於
胫骨。安住。胫骨。於髌骨。安住。髌骨。於脊骨。安
住。脊骨。於胛骨。安住。胛骨。於臂骨。安住。臂骨
安於項骨。安住。項骨。於頭骨。安住。頭骨。於頰
骨。安住。頰骨。於齒骨。安住。如是。此身骨節。纏

裹以皮覆上成此穢身從行業生非餘能造
如是以安當念身自性去何以聚當念身自
性九頭骨兩頰骨三十二齒骨七項骨十四
脊骨二十四脇骨十八脊骨兩髌骨六十四
手骨六十四足骨依肉六十四軟骨此三百
骨八百節九百筋纏九百肉九万七千腠八
百万髮九万九千毛六十間八万五種膽唾
腦各一波賴他梁言重四兩血一阿吡梁言
以三斗如是等不可稱計種種形唯是屎聚
屎集名身如是二聚當念身自性去何以憎
當念身自性彼所重物第一清淨所愛服飾
如是花香塗身衣服莊嚴眠坐隱囊枕褥氎

能氎氎床帳卧具等種種飲食住止供養心
生愛重後成憎惡如是以憎惡當念身自性
云何以不清淨當念身自性如是衣物種種
服飾已不淨潔可更浣治還得清淨何故以
性清淨故此身不淨不能令淨復次以香塗
身以香水洗浴不能令淨何以故性不淨故
如是以不清淨當念身自性云何以處當念
身自性如花依花池生如果依果處生如是
此身從種種煩惱疾患故生如是眼痛耳痛
鼻痛舌痛身痛頭痛口痛齒痛患味急氣寒
熱腸痛心悶癩狂風病霍亂癩癭吐血癬瘡
疥癩淋秘寒病等此身有無邊過患如是以

處當念身自性去何以不知恩當念身自性
其人雖復料理自身以最勝飲食或洗浴摩
香眠坐衣被以自莊嚴此毒樹身返不知恩
向老向病向死如親友不知恩如是以不知
恩當念身自性去何以有邊當念身自性此
身或可闍維或可噉食或可破壞或可磨滅
此身有邊如是以有邊當念身自性彼坐禪
人以此門以此行以自性當念此身以念自
在以慧自在成不亂心若不亂心諸蓋滅禪
分起隨其所樂成得勝念身已竟
問去何念寂寂何修何相何味何處何功德
去何修苔寂寂者滅身心動亂已伏斷故此

謂寂寂現念寂寂彼念隨念正念此謂念寂
寂以念住不亂此謂修今起不動功德為相
不調為味妙解脫為處何功德者若修行念
寂寂成安眠安覺成寂寂心諸根寂寂心願
具足成可愛慚愧具足常為人所貴重向善
趣向醍醐云何修彼者初坐禪人入寂寂坐
攝一切心不起亂心如彼比丘諸根寂寂心
寂寂樂一處寂寂以相應住彼比丘以身口
意若見若聞以寂寂念以寂寂功德如世尊
所說彼比丘戒具足定具足慧具足解脫具
足解脫知見具足若比丘得見彼比丘我說
彼大得大恩若聞彼比丘我說大恩若往彼

我說大恩若往彼說我大恩若覩供養彼若
念彼若隨出家我說彼大得恩何故如是等
諸比丘聞其說法得二離憤鬧所謂身離憤
鬧心離憤鬧彼比丘入初禪以寂寂念諸蓋
滅若入第二禪念彼覺觀滅若入第三禪念
彼喜滅若入第四禪念彼樂滅若入虛空定
念色想瞋恚想種種想滅若入識定念彼虛
空滅若入無所有定念彼識入想滅若入非
想非非想定念彼無所有想滅若入想受滅
念彼想受滅若得須陀洹果念見一處煩惱
滅若得斯陀洹果念麤婬欲瞋恚煩惱滅若
得阿那含果念細煩惱婬欲瞋恚滅若得阿

羅漢果念彼一切煩惱滅若入泥洹以寂寂
念一切皆滅彼坐禪人以此門以此行如是
以功德念寂寂彼心成信以信自在以念自
在心成不亂若不亂心諸蓋滅禪分起外行
禪成住念寂寂已竟已十念竟

於十念處此散句若念過去未來佛功德此
謂修念佛如是念緣覺功德若念善說一法
是謂修念法若念一聲聞修行功德此謂修
念僧念彼戒此謂修念戒念彼施此謂修念
施若欲樂念施施於有功德人當取受相若
有人受施未施乃至一搏悉不應食念天者
成就信有五法當修念天散句已竟

解脫道論卷第七

娛樂上音愚上音脣市倫鋸音竿音筭上二非真真上恚上悵下良字虫上延下瞑

紆避猗覺離上於提塘上二音佞帝慳悵下良反虫上延下瞑

由延詎巨音脾肺下芳正作肺膽胃上丁反肪膏上音

方入幕膜下正莫淡汗上音前談涎上似迫迳音

伯責脇脅二同虛胞囊上音脊骨上音非拌

豆上音伴音穿穿二同非羅羅下郎九竅下苦湊

七奏反膝音蹲踞二存音摳拘上烏口反中音音舐

神只虜呵上音依爪下之兜丁侯鞞藍上迷上步

寄栗俠上古我反中良過梯上於葛反反殆履

上途比上徒胡反怙反忙比反反膀胱上反下步音忙

光胞根正上音拋音帚賴上之反纖呵上廉反息音依疆下音下

秘	二音	塔登	反帖	反	反	兩
林	上音	癩狂	阿他	髌骨	藪婆	
料	上音	閉上音	他下音	駕反	叟上音	
理	上音	癩瘦	枕檉	脾骨	母珂	
寮	上音	一上音	下上音	脾上音	何反	
憤	上音	領反	之審	甲作	中	
鬧	上音	賴下	辱反	項骨	距骨	
姝	上音			毳毼	骨	
反	俱			講上	正上	
				反胡	作脛	
				頰骨	定反	
				骨	脛	
				古上	表	
				淋	蒲	



